

**LJEKARSKA/LIJEČNIČKA KOMORA  
FEDERACIJE BOSNE I HERCEGOVINE**

**PRAVILNIK  
O UTVRĐIVANJU ZAJEDNIČKIH KRITERIJA ZA LICENCIRANJE  
ČLANOVA LJEKARSKE/LIJEČNIČKE KOMORE FBiH I  
ČLANOVA KANTONALNIH/ŽUPANIJSKIH LJEKARSKIH/LIJEČNIČKIH KOMORA**

Zenica, april 2018. godine

Na osnovu člana 221. stav 6. alineja 1. Zakona o zdravstvenoj zaštiti (Službene novine FBiH broj 46/10, 75/13), člana 8., a u vezi sa članom 52. Statuta Ljekarske/Liječničke komore FBiH, Skupština Ljekarske/Liječničke komore FBiH na sjednici održanoj dana 26. aprila 2014. godine donijela je Pravilnik o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora. Skupština Ljekarske/Liječničke komore FBiH na sjednici održanoj dana 21.04.2018. godine usvojila je izmjene i dopune Pravilnika o utvrđivanju zajedničkih kriterija za licenciranje članova Ljekarske/Liječničke komore F BiH i članova kantonalnih/županijskih ljekarskih/liječničkih komora, čiji prečišćeni tekst glasi:

**PRAVILNIK**  
**O UTVRĐIVANJU ZAJEDNIČKIH KRITERIJA ZA LICENCIRANJE**  
**ČLANOVA LJEKARSKE/LIJEČNIČKE KOMORE FBiH I**  
**ČLANOVA KANTONALNIH/ŽUPANIJSKIH LJEKARSKIH/LIJEČNIČKIH KOMORA**

## I OPĆE ODREDBE

### Član 1.

Ovim Pravilnikom utvrđuju se uslovi i nadležnosti te uređuju postupci licenciranja ljekara/liječnika, državljana Bosne i Hercegovine i stranih državljana, koji rade na području Federacije Bosne i Hercegovine, a koje provode kantonalne/županijske ljekarske/liječničke komore, odnosno Ljekarska/Liječnička komora FBiH.

### Član 2.

Postupci licenciranja ljekara/liječnika, u smislu ovog Pravilnika, podrazumijevaju:

- 1) postupak izdavanja licence ljekaru/liječniku,
- 2) postupak obnavljanja licence ljekaru/liječniku,
- 3) postupak oduzimanja licence ljekaru/liječniku.

## II USLOVI ZA LICENCIRANJE

### Član 3.

Uslovi za licenciranje ljekara/liječnika članova kantonalnih/županijskih komora, odnosno Ljekarske/Liječničke komore FBiH su:

- 1) stručna kvalifikacija koja obuhvata formalno obrazovanje,
- 2) položen stručni ispit u stručnom zvanju,
- 3) članstvo u Ljekarskoj/Liječničkoj komori FBiH, odnosno kantonalnoj/županijskoj ljekarskoj/liječničkoj komori,
- 4) državljanstvo Bosne i Hercegovine,
- 5) poznавanje jednog od jezika koji su u službenoj upotrebi u Bosni i Hercegovini, na razini koja je potrebna za nesmetanu i nužnu komunikaciju s pacijentom.

Izuzetno, uslov iz alineje 4. stava 1. ovog člana nisu dužni ispuniti ljekari/liječnici strani državljeni. Ljekari/liječnici državljeni BiH dužni su ispuniti sve uslove iz stava 1. ovog člana osim uslova iz alineje 5.

## III NADLEŽNOST

### Član 4.

Postupak upisa u registar ljekara/liječnika, kao i izdavanja, obnavljanja i oduzimanja licence za ljekare/liječnike, koji rade na području Federacije Bosne i Hercegovine, provode kantonalne/županijske ljekarske/liječničke komore (u daljem tekstu: nadležne ljekarske/liječničke komore) registrovane za izdavanje, obnavljanje i oduzimanje licence.

### **Član 5.**

Izuzetno, ukoliko na području na kojem ljekar/lječnik obavlja svoju djelatnost nije registrovana komora iz člana 4. ovog Pravilnika, postupak upisa u registar ljekara/lječnika, kao i izdavanja, obnavljanja i oduzimanja licence, za ljekare/lječnike koji rade na području Federacije Bosne i Hercegovine, provodi Ljekarska/Liječnička komora FBiH.

Izuzetno, ukoliko ljekar/lječnik na području jednog kantona obavlja svoju djelatnost, dok dopunski rad obavlja na području drugog kantona, postupak upisa u registar ljekara/lječnika, kao i izdavanja, obnavljanja i oduzimanja privremene licence za rad na području drugog kantona, provodi Ljekarska/Liječnička komora FBiH.

Ljekarska/Liječnička komora F BiH nadležna je i onda kada dopunski rad obavlja ljekar/lječnik iz stava 1. ovog člana.

### **Član 6.**

Postupak upisa u registar ljekara/lječnika, kao i izdavanja licence, za ljekare/lječnike koji nisu zaposleni, mjesno nadležna je kantonalna/županijska ljekarska/lječnička komora kojoj se ljekar obrati zahtjevom za upis u registar ljekara/lječnika i izdavanje licence, odnosno svaka kantonalna/županijska ljekarska/lječnička komora registrovana za izdavanje, obnavljanje i oduzimanje licence.

### **Član 7.**

Postupak upisa u registar ljekara/lječnika, kao i izdavanja licence, za ljekare/lječnike koji su zaposleni, mjesno nadležna je kantonalna/županijska ljekarska/lječnička komora na području koje ljekar/lječnik obavlja svoju djelatnost i koja je registrovana za izdavanje, obnavljanje i oduzimanje licence.

## **IV LICENCA**

### **Član 8.**

Licenca je javna isprava kojom ljekar/lječnik stiče pravo da, na području Federacije Bosne i Hercegovine, samostalno obavlja poslove u struci i u okviru stručnog naziva određenog licencem (doktor medicine, specijalista, odnosno subspecijalista, akademska titula, odnosno naučno-nastavno zvanje ili počasni naziv primarijus).

### **Član 9.**

Licenca se izdaje kao redovna i privremena.

Redovna licenca se izdaje na period od šest (6) godina.

Privremena licenca se izdaje na period kraći od šest (6) godina i u slučajevima propisanim ovim Pravilnikom.

### **Član 10.**

Licenca izdata od strane nadležnih ljekarskih/lječničkih komora (član 4, 6 i 7. Pravilnika) ima važnost na teritoriji kantona komore koja je licencu izdala.

Privremena licenca izdata od strane Ljekarske/Liječničke komore F BiH u skladu sa članom 5. stav 2. Pravilnika, ima važnost na teritoriji F BiH.

## **V POSTUPAK IZDAVANJA LICENCE**

### **1. Za ljekare/lječnike - državljane BiH**

#### **Član 11.**

Ljekar/lječnik - državljan BiH, nakon položenog stručnog ispita, nadležnoj ljekarskoj/lječničkoj komori (član 4 - 7 Pravilnika) podnosi zahtjev za upis u registar, nakon čega mu Komora izdaje licencu.

## **Član 12.**

Uz zahtjev iz člana 11. ovog Pravilnika ljekar/lječnik je dužan dostaviti:

- 1) ovjerenu fotokopiju diplome medicinskog fakulteta, odnosno rješenje o nostrifikaciji diplome stečene u inostranstvu;
- 2) ovjerenu fotokopiju uvjerenja o položenom stručnom ispitu ljekara/lječnika ili dokaz o priznatom stručnom ispitu od strane Federalnog ministarstva zdravstva;
- 3) uvjerenje o državljanstvu;
- 4) ovjerenu izjavu o poštivanju etičkih i deontoloških načela struke.

Dokumentacija iz stava 1. ovog člana predaje se u ovjerenoj fotokopiji, a original se predočava službenom licu komore na uvid.

## **Član 13.**

Uz zahtjev iz člana 11. ovog Pravilnika nadležna ljekarska/lječnička komora može tražiti dostavljanje i slijedeće dokumentacije:

- 1) lična karta i CIPS;
- 2) fotografija.

Nadležna ljekarska/lječnička komora može, po službenoj dužnosti, zatražiti od nadležnog organa iz BiH ili inostranstva podatke iz kaznene evidencije, a koji se odnose na dokaz o postojanju pravosnažne presude za počinjena krivična djela koja ljekara/lječnika čine nedostojnim za obavljanje ljekarske/lječničke djelatnosti.

## **Član 14.**

Ljekar/lječnik koji je položio specijalistički, odnosno subspecijalistički ispit, pored dokumentacije iz člana 12. ovog Pravilnika, uz zahtjev za izdavanje licence, dužan je dostaviti i ovjerenu fotokopiju uvjerenja o položenom specijalističkom, odnosno subspecijalističkom ispitu ili dokaz o priznatom specijalističkom, odnosno subspecijalističkom stažu i specijalističkom i subspecijalističkom ispitu od strane Federalnog ministarstva zdravstva.

Ljekar/lječnik koji je stekao naziv primarius, akademsku titulu, odnosno nastavno-naučno zvanje, dužan je komori dostaviti i ovjerenu fotokopiju uvjerenja o stečenom počasnom nazivu primarius odnosno akademskoj tituli ili nastavno-naučnom zvanju stečenom na akreditovanim visokoškolskim ustanovama, medicinske i ostalih struka.

Akademske titule stečene u inostranstvu moraju biti nostrifikovane od strane domaćeg organa nadležnog za nostrifikaciju.

Dokumentacija iz stava 1, 2 i 3. ovog člana predaje se u ovjerenoj fotokopiji, a original se predočava službenom licu komore na uvid.

## **Član 15.**

Ljekar/lječnik, koji je djelatnost u okviru svoje struke obavljao u drugom kantonu, prilikom promjene mesta zaposlenja, nadležnoj ljekarskoj/lječničkoj komori podnosi zahtjev za upis u registar.

Ljekar/lječnik, iz stava 1. ovog člana, dužan je dostaviti i dokumentaciju iz čl. 12. i 14. ovog Pravilnika te važeću licencu, potvrdu o izmirenim obavezama na ime članarine, potvrdu o članstvu u ranijoj ljekarskoj/lječničkoj komori i potvrdu o poštivanju etičkih principa struke, odnosno da se protiv podnositelja zahtjeva ne vodi disciplinski postupak, kao i dokaz o ispisu iz ranije komore.

Potvrda o poštovanju etičkih principa struke, odnosno potvrda o nevođenju disciplinskog postupka ne može biti starija od tri mjeseca, a izdaje je ljekarska/lječnička komora čiji je član podnositelj zahtjeva. Dokumentacija iz stava 3. ovog člana predaje se u ovjerenoj fotokopiji, a original se predočava službenom licu komore na uvid.

## **Član 16.**

Ljekar/lječnik, koji djelatnost u okviru svoje struke obavlja na području nadležnosti dviju kantonalnih/županijskih ljekarskih/lječničkih komora, i to na području nadležnosti jedne komore redovnim radom, a na području nadležnosti druge komore dopunskim radom, dužan je pribaviti privremenu licencu izdatu od Ljekarske/Lječničke komore F BiH.

Postupak izdavanja licence iz prethodnog stava je bliže opisan u članu 26. ovog Pravilnika.

### **Član 17.**

Ljekar/lječnik - državljan BiH, koji je djelatnost u okviru svoje struke obavljao u drugom entitetu, Brčko Distriktu BiH ili inostranstvu, prilikom podnošenja zahtjeva za upis u registar i izdavanje licence nadležnoj ljekarskoj/lječničkoj komori, osim dokumentacije iz čl. 12. i 14. ovog Pravilnika, priložit će i potvrdu o članstvu u ljekarskoj/lječničkoj komori čiji je član te potvrdu o poštivanju etičkih principa struke, odnosno da se protiv podnositelja zahtjeva ne vodi disciplinski postupak.

Potvrda o poštovanju etičkih principa struke, odnosno potvrda o nevođenju disciplinskog postupka ne može biti starija od tri mjeseca, a izdaje je ljekarska/lječnička komora čiji je član podnositelj zahtjeva. Dokumentacija iz stava 1. i 2. ovog člana predaje se u ovjerenoj fotokopiji, a original se predočava službenom licu komore na uvid.

Dokumentacija iz st. 1. i 2. ovog člana mora biti na jednom od jezika koji su u službenoj upotrebi u BiH, odnosno, ukoliko je na stranom jeziku, mora biti prevedena na jedan od jezika koji su u službenoj upotrebi u BiH od strane ovlaštenog sudskog tumača.

## **2. Za ljekare/lječnike - strane državljane**

### **Član 18.**

Ljekar/lječnik - strani državljan, po osnovu radne dozvole, može podnijeti zahtjev za izdavanje licence u Federaciji BiH.

Uz zahtjev za izdavanje licence, osim dokumentacije iz čl. 12. i 14. ovog Pravilnika, ljekar/lječnik – strani državljan dužan je priložiti i:

- 1) dokaz o državljanstvu zemlje porijekla – nadležan organ zemlje porijekla;
- 2) odobrenje za (privremeni ili stalni) boravak stranca u BiH – nadležna Služba za poslove sa strancima pri Ministarstvu sigurnosti BiH;
- 3) radnu dozvolu – nadležna kantonalna Služba za zapošljavanje;
- 3) potvrdu o članstvu i aktivnostima u ljekarskoj/lječničkoj komori zemlje porijekla;
- 4) potvrdu o poštivanju etičkih principa struke, odnosno da se protiv podnositelja zahtjeva ne vodi disciplinski postupak („a certificate of good standing“) koja ne smije biti starija od tri mjeseca, a izdaje je nadležna ljekarska/lječnička komora čiji je član podnositelj zahtjeva,
- 5) potvrdu o poznavanju jednog od jezika koji je u službenoj upotrebi u BiH, na nivou koji je potreban za nesmetanu i nužnu komunikaciju sa pacijentom, izdatu od akreditovane visokoškolske institucije u F BiH, minimalno stepen C1 (napredni korisnik), osim u slučajevima ukoliko je ljekar/lječnik dodiplomsku nastavu završio na jednom od jezika koji je u službenoj upotrebi u BiH.

Ljekar/lječnik - strani državljan nije dužan priložiti uvjerenje o položenom stručnom ispit u koliko je državljan zemlje koja ima bolonjski sistem obrazovanja.

Dokumentacija iz stava 1. i 2. ovog člana predaje se u ovjerenoj fotokopiji, a original se predočava službenom licu komore na uvid.

Dokumentacija iz st. 1. i 2. ovog člana mora biti na jednom od jezika koji su u službenoj upotrebi u BiH, odnosno, ukoliko je na stranom jeziku, mora biti prevedena na jedan od jezika koji su u službenoj upotrebi u BiH od strane ovlaštenog sudskog tumača.

### **Član 19.**

Nadležna ljekarska/lječnička komora, ljekarima/lječnicima iz člana 18. ovog Pravilnika, izdat će privremenu licencu na period jednak periodu važenja radne dozvole izdate ljekaru/lječniku – stranom državljanu od strane nadležne kantonalne Službe za zapošljavanje.

Ukoliko je ljekar/lječnik, iz člana 18. ovog Pravilnika, po osnovu Zakona o kretanju i boravku stranaca i azilu BiH (Sl.novine FBiH broj 36/08, 87/12), oslobođen obaveze pribavljanja radne dozvole, nadležna ljekarska/lječnička komora će izdati privremenu licencu na period jednak odobrenom privremenom boravku.

Ukoliko je ljekaru/lječniku iz stava 2. ovog člana od strane nadležnog organa odobren stalni boravak u BiH nadležna ljekarska/lječnička komora će izdati redovnu licencu.

### **Član 20.**

Ljekari/lječnici - strani državljeni koji privremeno borave na teritoriji Federacije BiH u svrhu obavljanja poslova svog stručnog naziva kroz naučno i stručno istraživanje u oblasti zdravstva, edukacija, učešća u seminarima, kongresima i drugim radionicama, obavljanja poslova konsultanata u zdravstvenim ustanovama, učešća u projektima iz oblasti zdravstva, uz zahtjev za izdavanje licence nadležnoj ljekarskoj/lječničkoj komori prilaže dokumentaciju navedenu u članu 18. stav 2. alineja 2, 3. i 4. ovog Pravilnika.

Ljekarima/lječnicima - stranim državljanima iz stava 1. ovog člana, nadležna ljekarska/lječnička komora će izdati privremenu licencu sa rokom važenja koliko traje i privremeni boravak na teritoriji Federacije BiH.

### **3. Za penzionisane ljekare**

### **Član 21.**

Ljekaru/lječniku - korisniku starosne penzije, koji je bio nosilac licence do prestanka radnog odnosa nadležna ljekarska/lječnička komora može izdati privremenu licencu na period od jedne (1) godine.

Ljekar/lječnik iz stava 1. ovog člana dužan je uz zahtjev za izdavanje licence, osim dokumentacije navedene u čl. 12. i 14. ovog Pravilnika, priložiti i:

- 1) ovjerenu fotokopiju rješenja o korištenju starosne penzije;
- 2) ljekarski nalaz o zdravstvenoj sposobnosti za obavljanje poslova svoje struke.

Dobna granica do koje se može izdavati licenca ljekaru/lječniku iz stava 1. ovog člana je 75 godina starosti.

Dokumentacija iz stava 2. ovog člana predaje se u ovjerenoj fotokopiji, a original se predočava službenom licu komore na uvid.

### **Član 21.**

Ljekaru/lječniku - korisniku starosne penzije, koji je bio nosilac licence do prestanka radnog odnosa nadležna ljekarska/lječnička komora može izdati privremenu licencu na period od jedne (1) godine.

Ukoliko je ljekar/lječnik nosilac redovne licence prilikom sticanja statusa penzionera ista se ukida sa danom sticanja prava iz PIO/MIO, a ljekaru/lječniku, komora iz stava 1. ovog člana može izdati privremenu licencu.

Ljekar/lječnik iz stava 1. ovog člana dužan je uz zahtjev za izdavanje licence, osim dokumentacije navedene u čl. 12. i 14. ovog Pravilnika, priložiti i:

- 1) ovjerenu fotokopiju rješenja o korištenju starosne penzije;
- 2) ljekarski nalaz o zdravstvenoj sposobnosti za obavljanje poslova svoje struke.

Dobna granica do koje se može izdavati licenca ljekaru/lječniku iz stava 1. ovog člana je 75 godina starosti.

Dokumentacija iz stava 2. ovog člana predaje se u ovjerenoj fotokopiji, a original se predočava službenom licu komore na uvid.

### **Član 22.**

Ljekaru/lječniku - državljanu BiH ili stranom državljanu, a koji u roku od 15 godina od dana položenog stručnog ispita nije obavljao minimalno dvije godine, u punom radnom vremenu, djelatnost svog stručnog naziva, nadležna ljekarska/lječnička komora će izdati licencu samo uz prethodnu provjeru stručne osposobljenosti.

Provjera stručne osposobljenosti ljekara/lječnika iz stava 1. ovog člana obavlja se pred Komisijom kantonalne/županijske ljekarske/lječničke komore u koju se obavezno kooptiraju kao članovi:

- 1) Ljekari/lječnici stručnjaci iz oblasti iz koje se ispit polaze, iste ili veće stručne osposobljenosti u odnosu na kandidata.

Ljekaru iz stava 1. ovog člana koji je zadovoljio u postupku provjere stručne osposobljenosti, izdaje se licenca s danom položenog ispita radi provjere stručne osposobljenosti.

#### **4. Postupanje nadležne ljekarske komore po podnijetom zahtjevu za izdavanje licence**

##### **Član 23.**

Zahtjev za izdavanje licence predaje se neposredno ili šalje poštom pismeno na adresu nadležne ljekarske/lječničke komore (član 4 - 7 Pravilnika).

Prilikom neposredne predaje zahtjeva, isti mora biti predat lično od strane člana komore, a ako zahtjev neposredno predaje drugo lice, u ime i za račun člana komore, uz zahtjev se mora dostaviti i originalna važeća punomoć.

##### **Član 24.**

Ukoliko zahtjev sadrži neki formalni nedostatak koji sprječava postupanje po istom (nerazumljiv ili nepotpun) nadležna ljekarska/lječnička komora je dužna učiniti one radnje koje će osigurati da se nedostaci otklone i odredit će podnosiocu rok u kome je dužan da to učini.

Ako podnositelj ne otkloni nedostatke u određenom roku, smatraće se da zahtjev nije ni podnesen, a komora će donijeti zaključak protiv kojeg se može izjaviti žalba drugostepenom organu komore, u skladu sa Statutom i drugim aktima nadležne ljekarske/lječničke komore (član 4 - 7 Pravilnika).

##### **Član 25.**

Postupak razmatranja zahtjeva za upis ljekara/lječnika u registar članova i izdavanje licence, nadležne ljekarske/lječničke komore (član 4 - 7 Pravilnika) provode na način utvrđen ovim Pravilnikom te Statutom i drugim aktima nadležnih ljekarskih/lječničkih komora (član 4 - 7 Pravilnika).

Na osnovu provedenog postupka nadležne ljekarske/lječničke komore donose odluku (rješenje) o upisu u registar te izdavanju licence ljekaru/lječniku – članu komore, odnosno odluku (rješenje) kojim se odbija zahtjev za upis i izdavanje licence.

Rok za provođenje postupka iz stava 1. i 2. ovog člana je trideset (30) dana od dana prijema uredno dokumentiranog zahtjeva.

##### **Član 26.**

U slučajevima propisanim članom 5. stav 1. i 2 . ovog Pravilnika, po prijemu uredno dokumentiranog zahtjeva predsjednik Ljekarske/Lječničke komore FBiH uz prethodno pribavljenu saglasnost Komisije za registar Ljekarske/Lječničke komore F BiH donosi rješenje o upisu u registar ljekara/lječnika i izdaje licencu članu komore.

Ljekar/lječnik, koji djelatnost u okviru svoje struke obavlja na području nadležnosti dviju kantonalnih/županijskih ljekarskih/lječničkih komora, i to na području nadležnosti jedne komore redovnim radom, a na području nadležnosti druge komore dopunskim radom, zahtjev za izdavanje licence podnosi Ljekarskoj/Lječničkoj komori F BiH putem matične komore.

Ljekarska/lječnička komora zahtjev uz dokumentaciju iz člana 12. i 14. ovog Pravilnika, odnosno, izvod iz registra, dostavlja Ljekarskoj/Lječničkoj komori F BiH.

Izvod iz registra obavezno sadrži sve podatke o stručnosti ljekara/lječnika, ovjeren pečatom i potpisom od strane matične komore.

Ljekaru/lječniku iz stava 2. ovog člana Ljekarska/Lječnička komora F BiH u roku od 30 dana od dana zaprimanja zahtjeva izdaje privremenu licencu na period važenja do jedne godine.

Ljekarska/Lječnička komora F BiH licencu za rad dostavlja ljekaru/lječniku putem nadležne komore na cijem području se obavlja dopunski rad.

Uz zahtjev, iz stava 2. ovog člana, ljekar/lječnik je dužan dostaviti i dokaz o uplati naknade u visini prema odluci Izvršnog odbora Ljekarske/Lječničke komore F BiH.

##### **Član 27.**

Ukoliko nadležne ljekarske/lječničke komore (član 4 - 7 Pravilnika) u utvrđenom roku ne donesu odluku (rješenje) dužne su ljekarima/lječnicima izdati potvrdu o prijemu uredno dokumentiranih zahtjeva za izdavanje licence.

### **Član 28.**

Nakon izvršenog upisa u registar nadležne ljekarske/lječničke komore izdaju licence.

Nadležne ljekarske/lječničke komore izdaju redovne licence sa rokom važenja šest godina ljekarima/lječnicima državljanima Bosne i Hercegovine, u postupku i uslovima utvrđenim ovim Pravilnikom te Statutom i aktima komora.

Izuzetno, ljekaru/lječniku iz stava 2. ovog člana koji je ostvario minimalno 35 godina radnog staža nadležne ljekarske/lječničke komore izdaju privremenu licencu na period do sticanja prava na penziju. Ljekarima/lječnicima koji nisu zasnovali radni odnos, koji obavljaju dopunski rad na području drugog kantona/županije i penzionisanim ljekarima/lječnicima nadležne ljekarske/lječničke komore izdaju privremene licence sa rokom važenja do jedne godine, u postupku i uslovima utvrđenim ovim Pravilnikom te Statutom i aktima komora.

Ljekarima/lječnicima stranim državljanima nadležne ljekarske/lječničke komore izdaju privremene licence na period važenja radne dozvole ili odobrenja za privremeni boravak u Bosni i Hercegovini, u postupku i uslovima utvrđenim ovim Pravilnikom te Statutom i aktima komora.

### **Član 29.**

Nadležne ljekarske/lječničke komore dužne su svaku promjenu podataka u registrima (izvršeni upis, ispis te lične podatke članova: ime i prezime, JMBG, adresa prebivališta, specijalizacija, subspecijalizacija, akademska titula, odnosno naučno-nastavno zvanje, počasni naziv primarijus, radni status, kao i podatke o izdatim licencama) pravovremeno, a najmanje deset dana od utvrđenih izmjena u kantonalnoj/županijskoj komori, dostavljati Ljekarskoj/Lječničkoj komori FBiH.

## **VI POSTUPAK ZAMJENE LICENCE**

### **Član 30.**

Ljekar/lječnik - član komore, dužan je blagovremeno obavijestiti komoru o svim nastalim promjenama koje su od uticaja na izdatu licencu (stečen stručni naziv specijalista, odnosno subspecijalista, stečeno zvanje primarijus, stečeno naučno-nastavno zvanje i sl.) i koje se upisuju u registar članova komore.

### **Član 31.**

Ljekar/lječnik – član komore dužan je od komore zatražiti zamjenu važeće licence, ukoliko unutar roka važenja izdate licence stekne status specijaliste određene specijalnosti ili subspecijalnosti, stekne naziv primarijus, odnosno akademski stepen ili je izabran u naučno-nastavno ili nastavno zvanje te u slučajevima promjene ličnih podataka.

Zahtjev za zamjenu licence podnosi se komori zajedno sa dokumentacijom kojom se dokazuje sticanje statusa iz stava 1. ovog člana.

Nova licenca sa izmijenjenim podacima ima isti rok važnosti kao i licenca koja se mijenja.

Odredbe ovog Pravilnika o načinu podnošenja zahtjeva za izdavanje licence, sadržaju i izgledu dokumentacije, kao i načinu i rokovima postupka rješavanja zahtjeva za izdavanje licence shodno se primjenjuju i na zamjenu licence unutar vremenskog važenja licence.

## **VII POSTUPAK OBNAVLJANJA LICENCE**

### **Član 32.**

Ljekar/lječnik stiče pravo na obnovu licence, ako je u roku važenja licence, u postupku kontinuirane edukacije, zadovoljio kriterije stručnog usavršavanja utvrđene Pravilnikom o zajedničkim kriterijima i postupcima stručnog usavršavanja ljekara/lječnika Ljekarske/Lječničke komore FBiH.

### **Član 33.**

Ljekar/liječnik podnosi komori zahtjev za obnavljanje licence, u roku od 60 dana prije isteka roka na koji je važeća licenca izdata.

Uz zahtjev iz stava 1. ovog člana podnosi se dokumentacija kojom se dokazuje ispunjenost kriterija stručnog usavršavanja u postupku kontinuirane edukacije te druga dokumentacija u skladu sa Statutom i drugim aktima kantonalnih/županijskih ljekarskih/liječničkih komora.

Odredbe ovog Pravilnika o načinu podnošenja zahtjeva za izdavanje licence, sadržaju i izgledu dokumentacije, kao i načinu i rokovima rješavanja zahtjeva za izdavanje licence shodno se primjenjuju i u postupku obnavljanja licence.

### **Član 34.**

Ukoliko je ljekar/liječnik iz opravdanih razloga, kao što su: privremena spriječenost za rad duža od šest mjeseci, trudnoća i komplikacije u vezi sa trudnoćom, porodiljsko odsustvo i odsustvo radi njegove djeteta, odnosno člana uže porodice i drugi opravdani slučajevi, bio spriječen da učestvuje u postupku kontinuirane edukacije čime nije ostvario uslove utvrđene članom 32. ovog Pravilnika, rok za ispunjavanje uslova za obnavljanje licence ljekaru/liječniku će se produžiti.

Nadležne ljekarske/liječničke komore će ljekarima/liječnicima iz stava 1. ovog člana produžiti period važenja licence za period jednak trajanju navedenih razloga.

U slučajevima iz stava 1. i 2. ovog člana, ljekar/liječnik je dužan komori podnijeti dokaze kojim dokazuje postojanje okolnosti koje su prouzročile nemogućnost obnavljanja licence u propisanom roku.

### **Član 35.**

U ostalim slučajevima, ukoliko ljekar/liječnik nije učestvovao u postupku kontinuirane edukacije te nije ostvario uslove utvrđene članom 32. ovog Pravilnika, nadležne ljekarske/liječničke komore će izdati licencu samo uz prethodnu provjeru stručne osposobljenosti.

Provjera stručne osposobljenosti ljekara/liječnika iz stava 1. ovog člana obavlja se pred Komisijom nadležnih ljekarskih/liječničkih komora u koju se obavezno kooptiraju kao članovi:

- 1) predstavnici strukovnog udruženja, ukoliko je isto osnovano.

Ljekaru/liječniku iz stava 1. ovog člana koji je zadovoljio u postupku provjere stručne osposobljenosti, licenca se izdaje s danom položenog ispita radi provjere stručne osposobljenosti.

## **VIII POSTUPAK IZDAVANJE DUPLIKATA LICENCE**

### **Član 36.**

Nadležne ljekarske/liječničke komore će ljekaru na njegov zahtjev izdati duplikat licence u slučaju:

- 1) gubitka licence,
- 2) otuđenja licence,
- 3) oštećena ili uništenja licence.

### **Član 37.**

Po prijemu zahtjeva, nadležne ljekarske/liječničke komore će izdati rješenje kojim izgubljenu, odnosno otuđenu, oštećenu ili uništenu licencu oglašavaju nevažećom.

Duplikat licence se izdaje u roku od trideset (30) dana od dana podnošenja zahtjeva.

Do izdavanja duplikata licence ljekaru/liječniku se izdaje potvrda o predaji zatjeva za izdavanje duplikata licence.

## **IX ODUZIMANJE LICENCE**

### **Član 38.**

Licenca može biti oduzeta ljekaru/liječniku, privremeno ili trajno.

Komora oduzima licencu ukoliko ljekar/liječnik:

- 1) ne zadovoljava prilikom obnavljanja licence;

- 2) komora odredi tu mjeru kao najstrožu kaznu zbog kršenja etičkih principa struke;
- 3) dopunski rad obavlja suprotno odredbama Zakona;
- 4) ne plaća članarinu nadležnoj ljekarskoj/lječničkoj komori;
- 5) u drugim slučajevima utvrđenim Statutima nadležnih ljekarskih/lječničkih komora.

### Član 39.

Ukoliko nadležne ljekarske/lječničke komore utvrde da su nastupili uvjeti za oduzimanje licence iz člana 38. ovog Pravilnika, donose odluku o oduzimanju licence.

Protiv odluke iz stava 1. ovog člana dozvoljena je žalba nadležnom drugostepenom organu komore, na način i pod uvjetima utvrđenim Statutima i drugim aktima nadležnih ljekarskih/lječničkih komora.

### Član 40.

Nadležne ljekarske/lječničke komore su dužne, bez odlaganja, o privremenom ili trajnom oduzimanju licence, obavijestiti poslodavca ljekara/lječnika, zavod zdravstvenog osiguranja, kao i nadležnu zdravstvenu inspekciju.

## X IZGLED I SADRŽAJ LICENCE

### Član 41.

Licenca izdata od strane nadležnih ljekarskih/lječničkih komora sadrži slijedeće podatke:

- 1) naziv, znak i sjedište nadležne ljekarske/lječničke komore koja licencu izdaje, kao i naziv i znak Ljekarske/Lječničke komore FBiH;
- 2) broj licence;
- 3) mjesto i datum izdavanja licence;
- 4) ime, ime jednog roditelja i prezime ljekara/lječnika;
- 5) datum, mjesto i država rođenja ljekara/lječnika;
- 6) naznaka stručnog naziva, naziva specijaliste, odnosno subspecijaliste, akademske titule, odnosno naučno-nastavnog zvanja ljekara/lječnika ili počasnog zvanja primarius;
- 7) stručna oblast za koju se licenca izdaje;
- 8) period važenja licence (dan, mjesec, godina);
- 9) potpis predsjednika nadležne ljekarske/lječničke komore i pečat, odnosno suhi žig.

Licenca iz stava 1. ovog člana izdaje se u 3 primjera i to:

- 1) 1 primjerak formata A4 kolor,
- 2) 2 primjera formata A4 crno bijeli.

### Član 42.

Licenca izdata od strane nadležnih ljekarskih/lječničkih komora sadrži broj koji čine slijedeće oznake:

- 1) **F** – slovna oznaka F - predstavlja oznaku pripadnosti komori sa teritorija Federacije BiH;
- 2) **01 – 10** – brojevi od 01 do 10 – predstavljaju oznaku pripadnosti kantonalnoj/županijskoj ljekarskoj/lječničkoj komori;
- 3) **A** – slovna oznaka A - predstavlja oznaku prve licence;
- 4) **R** – slovna oznaka R - predstavlja oznaku relicence;
- 5) **Aa / Ra** – slovna oznaka a, b, c – predstavlja oznaku licence / relicence (Aa / Ra) izdate uslijed promjene nastale u periodu važenja licence / relicence (A / R);
- 6) **1** – redni broj 1, 2, 3 (prva, druga, treća) – predstavlja oznaku rednog broja relicence;
- 7) **0001** – predstavlja broj registra nadležnih ljekarskih/lječničkih komora.

### Član 43.

Nadležne ljekarske/lječničke komore izdaju licence čija numeracija je utvrđena na način:

- 1) Ljekarska komora Unsko-sanskog kantona – F01A0001
- 2) Ljekarska komora Posavskog kantona – F02A0001
- 3) Ljekarska komora Tuzlanskog kantona – F03A0001
- 4) Ljekarska komora Zeničko-dobojskog kantona – F04A0001
- 5) Ljekarska komora Bosansko-podrinjskog kantona – F05A0001

- 6) Ljekarska komora Srednjobosanskog kantona – F06A0001
- 7) Ljekarska komora Kantona Sarajevo – F09A0001
- 8) Ljekarska komora Herceg-bosanske županije (Kanton 10) – F10A0001

U slučajevima predviđenim članom 5. stav 2. ovog Pravilnika, Ljekarska/Liječnička komora F BiH će dodijeliti brojeve licenci na način:

- 1) **F** – slovna oznaka F - predstavlja oznaku pripadnosti komori sa teritorija Federacije BiH;
- 2) **01 – 10** – brojevi od 01 do 10 – predstavljaju oznaku pripadnosti kantonalnoj/županijskoj ljekarskoj/liječničkoj komori;
- 3) **A** – slovna oznaka A - predstavlja oznaku prve licence;
- 4) **001** – redni broj 1, 2, 3 (prva, druga, treća) – predstavlja oznaku rednog broja licence;
- 5) **P** – slovna oznaka P – predstavlja privremenu licencu;
- 6) **01 – 10** – brojevi od 01 do 10 – predstavljaju oznaku kantona/županije gdje ljekar/liječnik obavlja dopunski rad;

(primjer: F03A0001P02 - Ljekar član Ljekarske komore Tuzlanskog kantona privremenu djelatnost obavlja u ZDK)

## **XI PRELAZNE I ZAVRŠNE ODREDBE**

### **Član 44.**

Kontonalnim/županijskim ljekarskim/liječničkim komorama koje nakon usvajanja ovog Pravilnika pristupe Ljekarskoj/Liječničkoj komori Federacije Bosne i Hercegovine dodijelit će se numeracija u skladu sa članom 43. ovog Pravilnika.

### **Član 45.**

Nadležne ljekarske/liječničke komore su dužne, u roku od 90 dana od dana stupanja na snagu ovog Pravilnika, uskladiti svoje opće akte sa odredbama ovog Pravilnika te osigurati svojim članovima izdavanje licence na obrascu propisanom ovim Pravilnikom.

### **Član 46.**

Ovaj Pravilnik stupa na snagu osmog (8) dana od dana usvajanja na Skupštini Ljekarske/Liječničke komore FBiH.

Ovaj Pravilnik je objavljen na web stranici Ljekarske/Liječničke komore FBiH [www.fmcbih.ba](http://www.fmcbih.ba)

Zenica, 26.04.2014. godine  
Broj: /14

Predsjednik Skupštine  
Mr. med. sc. Hidajet Rahimić, dr. med. prim.

Zenica, 21.04.2018. godine  
Broj: /18

Predsjednik Skupštine  
Mr. med. sc. Hidajet Rahimić, dr. med. prim.